



UNIVERSITÄTS-  
BIBLIOTHEK  
PADERBORN

**R. P. Christiani Mayer E Societate Iesv, Diarivm  
Meditationvm, De Præcipvis Vitæ Christi mysteriis**

**Mayer, Christian**

**Coloniæ Agrippinæ, 1635**

1. De amore SS. Trinitatis erga quemuis electum

---

[urn:nbn:de:hbz:466:1-60091](https://nbn-resolving.org/urn:nbn:de:hbz:466:1-60091)

III. Demum in Pentecoste in linguis igneis apparere dignatus est, ad significandos præcipuos affectus, quos in Apostolis, virisque Apostolicæ perfectionis studiosis operaturus esset, inflammando eos amore Dei, & proximi, zelo diuinæ gloriæ, & salutis animarum propagandæ, simulque ijs impertiendo gratiam miraculorum, notitiam omnium linguarum, diuinam eloquentiam, & sapientiam necessariam ad mundi conversionem.

Quàm abundè hos effectus edidit in cordibus Apostolorum, totq; aliorum Apostolicum spiritum æmulantium, quorum omnia dicta, facta, mores, gestusque omnes ignem spirare, ignitasque linguas referre videbantur! O quàm potens est ille ignis Spiritus sancti, qui in momento totum hominem in se transformat! Zelus proficiendi in amore Dei, & proximi.

In Festo SS. Trinitatis.

De amore SS. Trinitatis erga quemuis Electum.

Domin.  
Trinit.  
I.

Ex medit.

I. **D**EUS vnus in essentia, & trinus *de amore* in personis, in seipso infinite *spirituali* beatus, se infinite comprehendens, in- *S. Ignatij* finitè *p. I.*

finitè amans, infinitè seipso cum inef-  
 fabili gaudio fruens, te, inter ceteros  
 Electos, vt speras, ab æterno benignè  
 respexit, peculiariter amauit, & mise-  
 ricorditer decreuit te infinitæ suę bea-  
 titudinis consortem facere, vt eum  
 beatè videres, amares, possideres æter-  
 num: & quidem per hæc illa media,  
 ad talem gradum beatitudinis, tā sua-  
 uiter & efficaciter perducere; insuper  
 tot modis seipsum tibi dare in Patrem,  
 in Redemptorem, in Sponsam, idq; ex  
 gratuita bonitate & misericordia sua:  
 & consequenter Pater ab æterno sta-  
 tuit te sic creare, dotare, conseruare, in  
 filium peculiarem adoptare; Filius sic  
 redimere, sic merita tua tibi speciali-  
 ter applicare, sic in fratrem & cohære-  
 dem regni asciscere; Spiritus sanctus  
 sic vocare, sic iustificare, sic in Spon-  
 sam assumere, dono perseuerantiæ co-  
 ronare. O quantus ille amor! quàm  
 immensus, sublimis, æternus, incom-  
 prehensibilis! an non simili amore fo-  
 ret, si fieri posset, meritò compensan-  
 dus? Amor, Gratitude, zelus gloriæ  
 Dei.

II. Idem Deus, trinus & vnus, in rem-  
 pore, ex eadem gratuita benignitate  
 sua, tam peculiariter, te respicere, &  
 quasi

quasi manuducere ad prædestinatã gloriã hucusq; dignatus est? Pater quidem, non solum te creando, dotando, conseruando; sed insuper seipsum totum tibi in Patrem amantissimum tradendo, & veluti dilectissimo filio, omnia necessaria corporis & animę subsidia, tam paternè, prouidendo; Filius, non solum sic te redimendo, tam copiosè pretium suorum meritorum tibi applicando, sed insuper seipsum tibi in fratrem per Incarnationem, in eduliũ per SS. Eucharistię participationem dādo, arētissimeque vniendo, Spiritus sanctus non solum te iustificando, tot charismatis ornando, tot diuinis inspirationib. in viã perfectionis promouendo; sed etiam seipsum fontem gratiarum tibi communicando, teque in electã Sponsam sibi assumendo.

O quã inæstimabilis & ille talis Patris, talis Fratris, talis Sponsi amor! qualem à te tam ingrato filio, tam indigno fratre, tam inæquali sponsa exigis amoris, gratitudinis, zeli honoris eius propagandi, beneplaciti exequendi excessum.

III. Idem Deus paratus est hunc tam peculiãrem æternæ dilectionis affectũ Patris, Fratris, Sponsi erga te continuare.

nuare

nuare æternum, modò tu erga ipsum te bonum filium, gratum fratrem, fidelem sponsam præstare velis; seipsum tibi, ineffabili modo, in præmium dando, suæque infinite beatitudinis te pervisionem, amorem, & fruitionem beatificam participem reddendo. O quàm incomprehensibilis illa infinita Dei beatitudinis participatio! At quanto incomprehensibilior tanta Dei hanc conferentis dilectio? Affectus ijdem renouandi.

II. *Quod homo peculiariter sit simulacrũ,  
seu imago, templum, & speculum  
SS. Trinitatis.*  
Ex eadem  
medit. de  
amore spi-  
rit S. Ignatij,  
rij, p. 2.

SANCTISSIMA Trinitas voluit hominem, præ ceteris creaturis, sibi simillimum condere, & viuum sui referre simulacrum, ad demonstrandum præclarissimum suum erga eundem amorem. Nam sicuti in SS. Trinitate vna est natura diuinâ, & tres personæ inter se realiter distinctæ; sic in homine vna est anima spiritualis, & tres spirituales potentia, memoria, intellectus, & voluntas. Et sicut Deus se intelligens producit verbum; Pater & Filius se mutuò diligentes, spirant Spiritum